

舊唐書校勘記

舊唐書校勘記卷二十二

地理志

淮南道

揚州

杜伏盛歸國 寰宇記國作化避後唐諱也 以隋江都郡爲兖
州寰宇記無郡字兖上有南字 置東南道行臺寰宇記此句
下有六年輔公祏竊號江南驅擁江北諸州毀撤宮殿盡過江
南城邑荒廢 七年改兖州爲邳州寰宇記作七年趙郡王孝
恭討平公祏改南兖州爲邳州 改邳州爲揚州置大都督寰
宇記作改邳州爲揚州大都督府 督越揚和滁楚舒廬壽七
州錢氏大昕云越字衍 按寰宇記無越字沈本督下亦無越
字 昇爲大都督府寰宇記昇作改

江陵 錢氏大昕云當作江陽 按通典作江陽

六合 漢堂邑縣屬臨淮郡 通鑑二百八將兵屯六合注引劉

昫曰六合漢臨淮郡之堂邑 晉置秦郡北齊置泰州後周爲

方州錢氏大昕云二秦字皆當作秦 按錢說是寔字記亦誤

作秦通鑑注引劉昫曰漢晉置秦郡衍漢字又引劉昫曰北齊

置方州疑有訛脫

天長 天寶元年割江都六合高郵三縣地置千秋縣 寔字記

開元二十九年於下阿村置千秋縣 按開元二十九年卽天

寶元年也

楚州

隋江都郡之南陽縣 錢氏大昕云南陽當作山陽 按隋志江

都郡有山陽縣

山陽 漢射陽縣地屬臨淮郡 通鑑二百七十八 山陽魚崇遠爲記

室注引舊唐書地理志山陽縣漢臨淮郡之射陽縣百二屯於

山陽注引劉昫曰山陽漢射陽縣地與今本同

盱眙 管東楚西楚領盱眙一縣 按寰宇記武德四年以其地

當水陸衝要遂立爲西楚州領盱眙一縣是盱眙縣專屬西楚

此志西楚下當重西楚二字

滁州

清流 居桑根山之朝陽 寰宇記作居桑根山之西通鑑百八十七

伏威屯清流注引舊志與今本同 在今縣西南八十里內譙

州故城是也 按內當作南通鑑注引舊志在今縣南八十里

南譙州故城是也寰宇記作今州西南八十里全椒縣界南譙

故城是也 北齊自南譙故城經治於此新昌郡城今州治是

也 按經當作徙此字衍通鑑注引舊志北齊自南譙故城徙治於新昌郡城寰宇記云高齊天保三年徙南譙州於新昌郡今之州城是也

全椒 又改爲臨滁郡寰宇記作北齊改爲臨滁郡又上當有北齊二字 隋改爲滁縣寰宇記改作初

永陽 景龍二年寰宇記作三年

和州

和州 新志州下有上字

歷陽 北齊置和州 通鑑百六十六自南州奔還歷陽注引劉昫曰

齊梁通和置和州於歷陽縣

烏江 北齊爲密江郡陳爲臨江郡後周爲問江郡 按隋志密作齊問作同

含山 長安四年復爲武壽縣 寰宇記長安四年又置改爲武壽縣

濠州

招義 屬臨淮宋置齊陰郡 寰宇記淮下有郡字齊作濟

廬州

合肥 夏水出城父東南至此與肥水合故曰合肥 寰宇記城父作父城肥作淮寰宇記又引水經注云水派別無合注之理蓋夏水暴長合於肥故曰合肥

慎 漢後道縣 錢氏大昕云後道當爲逡遁 按通鑑三十聰

遂寇逡遁注引劉昫曰漢逡遁縣通典寰宇記俱作逡遁

廬江 梁置湖州 王氏鳴盛云湖當作湘 按隋志作湘州

舒城 寰宇記作舒城

壽州

壽春 煬帝爲淮南郡 按隋志作淮南 武德爲壽州 按總

序云武德三年改爲壽州此武德下當有三年或省文

安豐 梁置安豐郡 隋志寰宇記皆云梁置陳留安豐二郡

霍山 隋置霍山應城三縣 按此有脫誤隋志廬江郡霍山注

梁置霍州及岳安郡岳安縣後齊州廢開皇初郡廢縣改名焉
是霍山爲隋所置新志武德四年以霍山應城潯城三縣置霍
州此志霍山上當有武德四年以五字應城下當有潯城二字
三縣下脫置霍州三字下云廢霍州故知此當言置也

光州

改總管爲都督府 寰宇記總管下有府字

仙居 漢軹縣 按軹當作軹下同 古城在縣北十里元和志

寰宇記俱作四十里

固始 漢淩縣 元和志本漢封蓼侯之地寰宇記本漢蓼縣楚相孫叔敖所封之邑

蘄州

領蘄春蘄水羅田黃梅浠水五縣 寰宇記浠作沔下同 按隋志蘄春郡有浠水縣作沔是 又改浠水爲蘭溪寰宇記爲作入沔亦作沔

蘄春 吳爲蘄春郡晉改爲西陽 通鑑八十西陽夷寇江夏注

引劉昫曰吳分江夏置蘄春郡晉改爲西陽郡 又改爲蘄陽

元和志蘄春縣晉改爲蘄陽 按上文晉改爲西陽改蘄春郡

爲西陽郡也此改爲蘄陽改蘄春縣爲蘄陽縣也此志疑有脫

誤 因平淮南改爲蘄州按因爲周之誤元和志周平淮南改

爲蘄州

黃梅 漢蘄春縣地屬宋置新蔡郡 按屬字衍通鑑百八十九襲拒

黃梅注引劉昫曰黃梅蘄春縣地宋分置新蔡郡無屬字

廣濟 置永甯縣 寰宇記置上有析字

蘄水 宋置沛水縣 寰宇記作沛水

申州

義陽 漢平氏縣縣之義陽鄉 按下縣字衍通鑑八十義陽蠻

張昌注引劉昫曰本漢平氏縣之義陽鄉 魏分南陽立義陽

郡晉自石城徙居於仁順今州理也通鑑三百及鳳閣侍郎義

陽胡元範注引劉昫曰魏分南陽置義陽郡晉自石城徙居仁

順今申州理是也與今本略同通鑑五十注引劉昫曰魏文帝

黃初中分立義陽縣蓋治石城後分南陽郡立義陽郡治安昌

城領安昌平林平氏義陽平春五縣寰宇記信陽軍總序及信陽縣有此數句

羅山 武德四年置羅州 寰宇記羅上有南字

黃州

管黃蘄亭南四州 錢氏大昕云南下脫司字 按寰宇記有司字沈本亦有

黃岡 江夏郡 寰宇記江上有屬字聞本江上空一格當是本有屬字後脫去耳

黃陂 於古黃城西四十里獨家村 寰宇記城作州

麻城 領麻城二縣 按所列止一縣下文有仍省陽城入麻城語此麻城下脫陽城二字

安州

於孝昌縣置環州 錢氏大昕云環當作潁 按寰宇記作環下
同寰宇記孝感縣下作潁州廢吉陽縣下云保定四年於此置
潁州隋志吉陽下亦云後周置潁州新志作潁 七年州廢環
應二州寰宇記無上州字

舒州

懷甯 漢皖縣地 聞本地下有屬江郡三字 按江上當有廬
字

望江 晉置新治縣 寰宇記治作冶下同

江南東道

潤州

八年廢簡州 丹陽縣注云武德五年於縣置簡州

丹徒 漢縣屬會稽郡春秋吳朱方之邑地吳爲京口晉置南徐

州 通鑑三百將兵度江攻潤州注云按舊志揚州在潤州四
十八里潤州朱方之地漢爲丹徒縣吳屬京口置京督以鎮又
爲徐陵督爾雅絕高曰京其城因山爲壘緣江爲境因謂之京
口晉爲南徐州 按寰宇記潤州總序下與此同 置潤州東
潤浦爲名 按此亦有脫誤通鑑注引舊志隋置潤州取州東
潤浦爲名寰宇記亦云蓋取州東潤浦爲名此志州下脫取州
二字

延陵 隋移郡丹徒 寰宇記郡作治

上元 宋爲建康晉分秣陵置臨江縣晉武改爲江寧 按此有
脫誤宋不當在晉前晉字又不應兩見通典潤州江寧注建安
十六年吳改爲建業晉武平吳還爲秣陵立臨江縣二年改臨
江爲江寧二年分秣陵水北立建業避愍帝諱改爲建康後又

分置同夏縣隋平陳併三縣置江寧縣敘次沿革最詳此志謄脫不可讀

常州

義興 晉立義興郡及縣 按元和志晉割吳興之陽羨并長城縣之北鄉爲義興郡隋開皇九年平陳廢郡爲義興縣是晉惟立義興郡其義興縣乃隋所置此疑有脫誤

蘇州

又陷輔公祏 寰宇記無又字

嘉興 漢曲拳縣 王氏鳴盛云當作由拳 按寰宇記正作由拳 八年廢入吳 寰宇記九年省入吳縣

崑山 漢婁縣 通鑑九十趙劉徵復寇婁縣注引劉昫曰漢婁

縣地

常熟 常熟故城是也 寰宇記城作縣 在郭下分治州界寰宇記在誤左州誤洲

湖州

六百四十四里 上四字聞沈本作二

德清 分武康置武原縣 按寰宇記以縣界有武承塘故名武源縣新志亦作源

杭州

八年廢潛州 寰宇記八年上有又置潛州領於潛臨水廢潛州下有及臨水縣 改屬餘杭郡寰宇記屬作爲

錢塘 又自餘杭移州理錢塘 通鑑百三十一自柳浦渡取西陵注

引劉昫曰又自餘杭徙治錢塘 又移州於柳浦西通鑑注引無西字 貞觀六年自州治南移於今所云元和志作定於

今所誤

越州

會稽 宋置東揚州理於此 寰宇記自晉至陳又於此置東揚州

明州

翁山 按元和志寰宇記及新志無翁山而有象山此志象山屬台州通典明州所領四縣有翁山縣與舊志同又寰宇記定海縣有廢翁山縣唐開元時與州同置大歷六年因袁晁反於此縣遂廢之

台州

五年改爲台州 沈本此句下有取天台山爲名 按下臨海注有取天台山爲名寰宇記敘州下亦無沈蓋以意增 廢始豐

安樂三縣寰宇記作二縣或始豐上脫章安二字新志云章安八年省舊管二縣寰宇記作一縣按下文有舊領縣二此四字似衍文舊領縣二臨海始豐按此指永昌以前永昌神龍不止二縣

臨海 上元二年 元和志上元上有肅宗二字下文黃巖樂安注上元二年元和志上元上俱有前字

象山 神龍二年 元和志寰宇記及新志俱作元年

婺州

婺州 新志州下有上字 領華川長山二縣寰宇記川作山誤七年廢綱州寰宇記作縉州下文義烏縣下兩綱州寰宇記亦誤作綱元和志義烏下作縉州是新志又誤作綱

金華 隋改長山爲金華取州界山爲名 元和志云其長山一

名金華故取名焉是長山金華爲一山二縣之名皆取山名也
義烏 武德四年置綱州 綱當作縉下同說詳上

武成 天授二年分永康置武義縣 寰宇記新志俱作天授元
和志作天寶恐誤

浦陽 新置 元和志天寶十三年分義烏縣北界置寰宇記新
志同 按總序云天寶領縣六而所列有七縣通典領縣六無
浦陽則浦陽置在六縣之後

衢州

衢州 新志州下有上字 七年陷賊乃廢寰宇記陷賊作陷輔
公祐乃作因 取武德廢州名寰宇記州下有爲字

須江 以城南有須江 元和志以縣南有須江溪因以爲名寰
宇記因南有須江爲名此志須江下疑有脫字

盈川 分龍_三置 元和志分信安龍_三兩縣置寰宇記分龍_三縣西梧山玉泉等鄉置 土人留異惡刑字寰宇記作土人留陳異惡溪有刑名

常山 又還衢州 寰宇記又上有尋字

信州

割衢州之常山 寰宇記常山下有玉山 撫州之一鄉寰宇記作三鄉

弋陽 王氏鳴盛云弋陽上下應各空一格此誤連

玉山 證聖二年 元和志作元年寰宇記作三年新志亦作二年

睦州

睦州 新志州下有上字 萬歲登封二年寰宇記脫二年元和

志有

清溪 隋改爲雉山 元和志晉改爲雉山以縣南有雉山因名
之隋開皇九年併爲新安縣仁壽中復爲雉山 開元二十年
改爲還淳寰宇記新志同元和志脫十字誤

分水 如意元年分桐廬縣之四鄉置盛武縣 錢氏大昕云盛
武新志作武盛 按元和志作盛武寰宇記云改爲武盛縣因
界內武盛山以爲名元和志作如意二年亦誤寰宇記新志俱
作元年

遂安 後漢分歙縣南鄉安定里 元和志吳大帝使賀齊平黔
歙於縣之南鄉安定里寰宇記作建安十三年

歙州

歙州 新志州下有上字

歙 縣南省歙浦因爲名 按省字誤新志作有元和志云縣西

有歙浦因以爲名

黟 漢縣屬丹陽郡晉同醫縣縣南墨嶺山出石墨故也 聞本

醫縣下不重縣字是錢氏大昕云按晉無同醫縣當是音字之

譌謂黟音近醫耳縣字衍 按通鑑百八十九據黟歙五州注引劉

昉曰音同醫縣南石墨嶺出石墨故也二百求仁貶黟令注引

劉昉音醫此志晉爲音之誤醫爲醫之誤第二縣字衍

績溪 元和志寰宇記新志績俱作績 元和志云縣北有乳溪

與徽溪相去一里並流離而復合有如績焉因以爲名

處州

處州 新志州下有上字 置括州置總管府沈本無下置字寰

宇記下置字上有仍字 貞觀元年寰宇記作二年 以永嘉

安固二縣寰宇記作固安誤 避代宗諱寰宇記同 按代字誤元和志云以與德宗廟諱同音改處州代當作德

松陽 縣東南大陽及松樹爲名 元和志後漢分立此縣有大松樹大八十一圍因取爲名寰宇記引吳地志云縣東南臨大溪有松陽樹大八十一圍腹中空可容三十人座故取此爲名此志大下脫溪字陽當在松字下及字疑衍縣上當有以字龍泉 乾元二年越州刺史獨孤嶼 元和志二作元嶼作峻奏請於括州龍泉鄉置縣元和志作奏割遂昌松陽二縣置

温州

武德五年置嘉州 寰宇記置下有東字下同

永嘉 後漢分章安縣之東甌鄉置永嘉縣 寰宇記作永嘉晉置永嘉郡元和志寰宇記俱作永嘉此志甌字與上嘉字互

誤 隋改爲永嘉寰宇記承上後漢置永寧之文謂隋改永寧縣爲永嘉縣也此志文義未分曉元和志云晉立爲縣與寰宇記異

福州

貞觀初置泉州 寰宇記貞觀上有武德八年又爲豐州昇置都督府 改爲閩州置都督府寰宇記無置字 督泉建漳湖五州寰宇記泉上有閩字脫督字 二十二年寰宇記作二十三年 令督福建泉汀四州寰宇記無令字沈本改作今

閩 漢治縣 錢氏大昕云治當作冶 按寰宇記作冶下同 漢高立閩越王寰宇記高下有祖字 宋齊分之寰宇記分作因 煬帝改爲泉州寰宇記泉作閩 又爲建安郡元和志改爲建安郡又下當有改字寰宇記作屬非

侯官 閩沈本侯作候是 隋縣後廢長安二年又分閩縣置

元和志武德六年於今州西北三十一里置八年廢長安三年

復置

長樂 隋縣 元和志本隋閩縣地

永泰 永泰年分置 元和志作永泰三年

梅青 按天寶領八縣有梅青則九縣元和志無此縣新志作梅

溪云貞元

疑作乾元

元年析侯官置寰宇記作閩清唐貞觀元年割

侯官縣一十里爲梅溪場至乾元年中割侯官縣改爲閩清梅

青或卽閩清歟侯考

泉州

隋建安郡又爲泉州舊治閩縣開元後移治泉州治於南安縣聖

歷二年分泉州之南安莆田龍溪三縣置武榮州寰宇記隋爲

泉州舊理閩縣後移於南安縣聖歷以下同 按聖歷在開元
前寰宇記無開元二字是也 改泉州爲清溪郡寰宇記溪作
源通典新志俱作清源

晉江 開元八年分南安置 元和志作六年新志亦作八年
南安 嶺南安莆田二縣 聞本嶺作領是

莆田 武德五年分南安縣置 寰宇記新志同元和志作六年
誤

仙遊 聖歷二年 元和志新志同寰宇記作三年誤

建州

在京師東南四千九百三十五里 通鑑二百七貶張均爲建安太
守注引舊志作一千八百九十三里誤 領綏城吳興建陽沙
將樂邵武等縣寰宇記等作六

建安 漢治縣地 元和志治作冶是 吳置建安縣州所治以
建溪爲名寰宇記孫策於建安初分東侯官之地置卽以年號
爲名 按元和志有建陽溪一名建安水此志溪字上疑脫陽
字

浦城 天寶元年改爲浦城隋廢縣名 按隋志無浦城縣隋廢
縣名四字疑衍元和志無此四字

沙 隋廢縣永徽六年分建安置 元和志開皇十六年廢武德
四年又置寰宇記亦云至唐武德四年爲沙縣

汀州

在京師西南六千一百七十三里 通鑑二百十五貶贛爲忠州別駕
注引舊志作東南是 開元二十四年開福撫二州山洞置汀
州寰宇記同元和志開元二十一年福州長史唐循忠於潮州

北廣州東福州西光龍洞檢責得諸州避役百姓共三千餘戶
奏置其[霍]化縣下又云開元二十二年開山洞置縣

漳州

漳州 新志州下有下字

漳浦 垂拱二年十二月與州同置州所治 寰宇記垂拱二年
析龍溪南界置漳浦縣乾元二年徙州治龍溪以漳浦爲屬縣
按元和志新志俱以龍溪居首漳浦次之此志與通典俱以
漳浦爲首蓋猶循未徙州治以前舊文

龍溪 開元二十九年屬漳州 元和志寰宇記屬上有割字

江南西道

宣州

宣州 新志州下有望字 領綏定二縣沈本綏定上有宣城

按寰宇記有宣城 八年廢南州寰宇記同新志當塗下云武
德三年以縣置南豫州八年州廢 按寰宇記宣州總序云桓
元居南州以郡在國南故曰南州宋如之齊改爲南豫州隋改
南豫州爲宣州不言武德置南豫州然舊志當塗縣下云武德
三年置南豫州此南字下當有豫字 以溧陽溧水丹陽來屬
寰宇記脫溧陽 至德二年又析置至德縣寰宇記無此句而
有寶應年又析太平縣置旌德 按二事當並載寰宇記及此
書總序各脫其一寶應下當有二字下旌德注作寶應二年
宣城 秦屬璋郡 元和志漳作鄣 梁置南豫州寰宇記梁作
齊 按寰宇記云梁承聖元年復江南南豫州郡不廢梁特不
廢非置也 皆此治所元和志東晉或理蕪湖或理姑熟或理
赭圻開皇九年移於今理

當塗 成帝以江北流人寓居于湖乃改爲當塗縣屬宣州 元
和志成帝時以江北之流人過江在于湖者僑立爲當塗縣屬
淮南郡大業十年廢于湖縣以當塗屬宣州寰宇記同

涇 武德三年置猷州 新志同寰宇記作二年元和志作三年

廣德 漢故漳縣 錢氏大昕云漳當作障 按通鑑二百五十八孫

儒自蘇州出屯廣德注引劉昫曰漢故障也下同 宋分宣城

之廣德通鑑注引作宣州 置綏安縣元和志綏作經誤

溧陽 上元元年十一月割屬宣州 新志同寰宇記作乾元

溧水 九年屬宣州寰宇記作元年誤

太平 天寶十一載正月析涇縣置 寰宇記新志同元和志作

天寶四年 按總序云開元中析置青陽太平寧國二縣誤

池州

又析置石壤縣 王氏鳴盛云壤當作埭 按寰宇記作埭

青陽 天寶元年分涇陽南陵秋浦三縣治古臨城 按陽字衍

新志無陽字寰宇記引唐地理志云天寶元年割秋浦南陵涇
三縣置在青山之陽故爲青陽屬宣州永泰元年隸池州又按
元和志云天寶元年洪州都督徐輝奏於吳所立臨城縣南置
此志臨城下當有縣字

石埭 永泰二年割秋浦浮梁黟三縣置古石埭城 元和志永
泰二年割秋浦青陽涇三縣於吳所置陵陽城五里置

饒州

并新平廣晉入鄱陽 寰宇記此句下有天寶元年改爲鄱陽郡
乾元元年復爲饒州各本脫

餘干 漢餘干縣 寰宇記同元和志作汙 古所謂汙越也汙

當作汧

浮梁 武德中廢新平縣開元四年分鄱陽置後改新昌天寶元年復置 按此有脫誤元和志武德五年析鄱陽東界置新平縣尋廢開元四年刺史韋玢再置改名新昌天寶元年改名浮梁寰宇記約同新志亦云浮梁本新平武德四年析鄱陽置八年省開元四年復置曰新昌天寶元年更名

洪州

領豫章豐城鍾陵二縣 沈本二作三 按寰宇記作三 廢昌州米州寰宇記作廢孫州南昌州米州 長安四年寰宇記作長興誤 又督洪袁吉慶虔撫五州寰宇記作又督洪吉袁虔撫五州無慶字是

鍾陵 按元和志通典寰宇記新志皆作南昌此誤蓋由下文脫

去改南昌之文遂并此首二字亦改之 寶應元年六月以犯
肅宗諱改爲鍾陵取地名錢氏大昕云肅宗當爲代宗 按元
和志寶應元年六月改爲鍾陵縣十二月改爲南昌縣寰宇記
云貞元中又改爲南昌縣新志亦云寶應元年更豫章曰鍾陵
貞元中又更名元和志十二月上當有貞元某年此志脫去貞
元中改爲南昌之文

豐城 吳分南昌縣高城縣 寰宇記漢南昌縣屬豫章郡 按
顧野王輿地志云後漢建安中初立富城縣於富水之西因以
爲名至晉太康元年改爲豐城縣此志南昌縣下當有置字高
當作富

建昌 而以建昌屬洪州 通鑑百八張善安陷孫州注引舊唐
志建昌作豫章恐誤

新吳 永淳二年分建昌置 寰宇記新志同元和志開皇九年
省入建昌武德五年又置

武甯 景雲元年改爲豫章寶應元年復爲武甯 寰宇記景雲
元年又改豫章寶應元年以犯御名改豫章復爲鍾陵豫甯依
舊爲武甯此志豫章當作豫甯

虔州

贛古濫反 州所理 王氏鳴盛云古濫反下當空一格

虔化 立陽都縣 寰宇記同元和志作新都 改虔化改下聞
本有爲字是

太康 按太康二字爲大庾之誤元和志寰宇記新志等書俱作
大庾

安遠 貞元四年八月四日置 王氏鳴盛云愚謂著其年可矣

言月并言四日則不成文理 按舊志及寰宇記多有言月日者後人或刪其日或併月刪之故存者少耳王氏譏其不成文理似涉太過

撫州

南城 漢縣屬豫章郡開元八年分南城置 按元和志云漢分豫章郡立爲南城縣寰宇記武德五年依舊置永城東興二縣武德七年省東興永城二縣併入南城新志武德五年析置永城東興二縣七年省無所謂開元八年分南城置也此八字疑衍蓋屬豫章郡之下有脫文而後人以南豐注下有此八字誤衍於此

吉州

領廬陵新淦二縣 寰宇記此句下有又析爲泰和縣置南平州

以州人劉乾宗爲刺史於安福縣立潁州 八年廢南平州以
太和縣來屬寰宇記八年又廢南平州及永豐廣興東昌三縣
入泰和縣來屬

廬陵 後漢改爲西昌 按寰宇記後漢獻帝興平元年孫策分
立廬陵郡改縣高昌爲石陽縣

高昌二字誤

又引輿地記云後漢和

帝分新淦縣爲石陽縣此西昌二字疑石陽之誤 舊治子陽
城永淳元年移於今所 按寰宇記石陽故城在縣北六十里
此子字疑石字之誤

太和 武德五年置南州 錢氏大昕云南下脫平字 按錢說
是總序下有平字

安福 吳置安城郡於此 元和志亦作安城寰宇記作安成通
鑑百十詔徙安成郡注劉昫曰安福縣吳安成郡治 後改爲

安福元和志作武德中改爲安福縣 按隋志廬陵郡有安福縣云舊置安成郡平陳郡廢縣改曰安成十八年又曰安復其改安福雖未注何年然正文已作安福則爲隋所改矣元和志恐誤

永新 顯慶二年分太和置 新志同元和志寰宇記俱作四年

江州

五年置總管 寰宇記管下有府字 八年廢楚縣寰宇記楚下有減字

潯陽 武德四年復爲潯陽 元和志寰宇記俱作五年

至德 至德二年九月中丞宋若思奏置 錢氏大昕云池州有至德縣至德二年析置而江州又有至德縣蓋一縣而重出也志於池江二州兩見而不著改隸之由後人遂疑有兩至德矣

按錢說是也元和志池州至德縣本漢石城至德二年刺史宋若思奏置因年號爲名初屬潯陽郡乾元元年改屬饒州永泰三年割屬池州舊志池州至德下第二云至德二年析置並不若此注之詳此州總序云舊領三縣與元和志同是本無至德縣矣此蓋池州之錯簡後人誤衍於此非劉書本有也

袁州

宜春 吳爲安城郡南朝不改晉改爲宜陽 按南朝不改句疑在晉改爲宜陽下安城寰宇記作安成下同元和志作安城復改爲宜春 按此謂改宜陽縣爲宜春縣此句疑有脫字

鄂州

武昌 吳晉爲重鎮以名將爲鎮守 聞本鎮誤鍾以字在將字

下

蒲沂 吳分沙羨縣置 聞本沂下有鎮字不空格誤沂當作圻

岳州

巴陵 隋改爲巴州煬帝改爲巴陵郡 按元和志梁元帝改爲巴州隋開皇九年改爲岳州隋志梁置巴州平陳改曰岳州又巴陵縣注云舊置巴陵郡平陳郡廢大業初復置郡通典梁置巴州隋平陳改爲岳州煬帝初改爲羅州尋爲巴陵郡此志當作梁改爲巴州隋改爲岳州煬帝改爲巴陵郡

華容 漢潺陵縣地 按潺當作孱元和志通典新志俱作孱

劉表改爲南安元和志吳分置南安縣寰宇記補闕云吳大帝分孱陵縣地於今縣東二里置安南縣或曰劉景升所置 按隋志作安南 垂拱二年去華字曰容城寰宇記補闕云垂拱二年以犯武氏諱改爲華容縣

沅江 漢益陽縣 元和志作本漢益陽縣地

昌江 神龍三年分湘陰縣置 元和志神龍三年析湘陰於故

吳昌城改置昌江縣寰宇記補闕作平江蓋避後唐諱也

潭州

湘鄉 漢鍾武縣屬零陵郡後漢改爲重安永建三年又名湘鄉

屬長沙郡 按元和志本漢湘南縣之湘鄉也後漢立爲縣屬

零陵郡自吳至陳並屬衡陽郡隋省入衡山縣武德四年復置

寰宇記補闕漢置連道縣屬衡陽郡宋省連道縣入湘鄉縣隋

省唐武德四年復置此志疑有脫誤

衡州

領臨蒸湘潭來陽 按來陽當作耒陽

衡陽 漢蒸陽縣屬長沙國吳分蒸陽立臨蒸縣 元和志本漢

酃陽縣地吳分置臨蒸縣寰宇記補闕漢置酃縣吳析臨蒸縣
吳末分長沙東界郡立湘東郡 按上郡字疑衍元和志吳
分長沙之東部爲湘東郡

當甯 吳分來陽立新甯縣 錢氏大昕云來陽當作耒陽 按
元和志吳分耒陽置新平縣宋元徽中三洞蠻抄掠州縣遂移
就江東因蠻寇止息遂號新甯 天寶元年改爲當甯新志同
元和志作二年寰宇記補闕作天寶初

茶陵 漢縣屬長沙國 聞本國下有音丈加反四字 按此四
字係茶字切音當在茶陵下

衡山 吳分湘南縣置舊屬潭州後割屬衡州 寰宇記補闕吳
太平二年立衡陽郡兼置衡陽湘南二縣晉改衡陽曰衡山

澧州

領潺陵安鄉 潺當作潺下同

石門 吳分零陽縣於此置天門郡 通典作石門郡誤 隋平

陳廢天門郡寰宇記補闕陳改郡縣俱曰石門隋廢郡縣屬澧陽郡 按隋志亦云舊有石門郡平陳郡廢此志隋平陳上當有脫文天門當作石門蓋吳所置者天門隋所廢者陳之石門也

慈利 隋改零陽爲慈利 寰宇記補闕隋開皇中改置零陵縣十八年又改曰慈利 按隋志開皇中置曰零陵十八年改名焉此志當作隋改零陽爲零陵尋又改爲慈利縣

朗州

武陵 陳改武州爲沅陵郡 隋志武陵郡注云梁置武州後改曰沅州武陵縣注云舊置武陵郡平陳郡廢寰宇記補闕云梁

置武州後廢陳天嘉元年復置武州大建七年改曰沅州平陳
郡廢此志當云陳改武州爲沅州後又改爲武陵郡 隋平陳
復爲嵩州尋又改爲朗州 按元和志等書無改爲嵩州之文
惟隋志澧陽郡下云平陳置松州此志疑有舛誤

永州

祁陽 石鸞岡在祁陽西北一十里 元和志岡作山

湘源 漢零陵縣地屬故城在今縣南七十八里 按屬字衍元
和志云本漢洮陽縣地隋志湘源注云平陳廢洮陽灌陽小零
陵三縣則是陳嘗置洮陽縣蓋亦本漢縣名也通典湘源漢洮
陽縣故城在今縣西北

道州

仍省永陽縣貞觀十七年廢永州併入 按下宏道注云隋改營

浦爲永陽縣武德四年改爲營道是武德時改永陽爲營道非
貞觀時始省永陽也上五字疑衍元和志云貞觀八年省入營
道亦誤又按上文已有貞觀八年此貞觀二字亦當衍寢字記
補闕無上句下句作十七年廢入永州新志同所云廢入永州
者謂廢道州入永州也此志當云州廢併入永州

宏道 武德四年置州又加南字 按上文已有武德四年此武
德及置州四字衍總序云五年改爲南營州四當作五

延唐 改爲延康 康當作唐

江華 漢馮涿縣 元和志涿作乘下同 屬永州聞本屬上有
改字是 上元二年屬道州寢字記補闕屬上有改字 文明
元年改爲雲溪縣新志溪作漢

大歷 湖南觀察使韋貫之 元和志誤脫貫字

郴州

領廬陽義章臨武平陽晉興六縣 按所列止五縣下文有廢牽

平陽之文此當脫牽縣

義章 武德七年省八年復置 新志同元和志作武德因而不改

義昌 晉分郴縣置汝城晉寧二縣 元和志云至東晉分置汝城縣無晉寧恐誤 立廬陽郡領廬陽縣 按隋志作盧陽元和志云隋改爲扈陽縣誤

資興後漢分郴置漢寧縣 按資興另爲一縣元和志通典新志俱同此志資興二字上下當各空一格

高亭 宇文融析郴縣北界四鄉置安陵縣 元和志宇文融奏割郴縣北界置安陵縣

藍山 九疑山在縣西五十里 元和志西下有南字

召州

召州 錢氏大昕云按召州召陽召陵字它史皆作邵獨此志無
邑旁

召陽 元和志作邵陽下召陽召陵同 漢召陵縣元和志作昭
陵 吳分零陵北部置召陵郡元和志召作邵邵下脫陵字誤
武德四年改置南州總序南下有梁字

武岡 隋廢 寰宇記補闕隋字上有梁武改爲武強廢作省元
和志云武岡梁天監元年以太子諱綱故爲武強

連州

連州 新志州下有下字

陽山 移於滙水之北 元和志滙作注恐誤

連山 晉武分桂陽立廣惠縣 元和志梁武帝分桂陽置廣惠
縣寰宇記補闕分置廣德縣隋志梁置曰廣德此志晉武爲梁
武之誤廣惠與廣德未知孰是

黔州都督府

武德元年改爲黔州 寰宇記作又改置爲黔安郡誤 又分置
盈隆洪社相永萬資四縣寰宇記社作杜 督務施業辰智牂
充應莊等州寰宇記等作九 其年以相永萬資二縣置費州
寰宇記置作屬其年下有自今州東九十里故州城移於涪陵
江東彭水東元和志水下有之字東作南 以都上分置夷州寰宇記都上

下有一縣二字 以思州高富來屬寰宇記以上有又字富下
有縣字 今督思辰施牢寰宇記無今字 其年罷都督府置
莊州都督寰宇記作聖歷元年罷都督府以莊州爲都督府聖

歷上又有黔州領彭水石城盈隆洪杜信寧五縣以播州爲都督寰宇記督下有府字下復以黔州爲都督同天寶元年寰宇記天寶上有開元二十六年於黔州置採訪使又隸五溪諸州入黔中道仍加經略使依舊都督施夷播思費珍湊商九州按所列僅八州寰宇記珍作琛湊作溱按珍琛二州一書各脫其一又領充明勞義福建寰宇記建作健郝總敦侯免柯契稜寰宇記作都總侯敦晃柯樊稜功亮筏龍寰宇記筏作茂撫次水矩寰宇記無次字南平勲姜龍小等五十州按龍字已見上龍當作襲小字衍寰宇記作襲此蓋誤分襲字爲龍小二字也又按萬氏庭蘭寰宇記校勘云今記所載五十州實止四十八州其二州闕與舊志唐書地理合然新唐書志初五十一州黔州圖經又五十三州未知孰是

彭水 隋於郡置彭水縣周置奉州尋爲黔州 按周置奉州四字疑衍通鑑^{七十}進攻西陽注引劉昫曰無此四字

黔江 隋分黔陽縣置石城縣天寶元年改爲黔江 元和志本漢西陽縣地隋開皇五年置石城縣屬庸州大業二年廢武德元年又置天寶元年改爲黔江

洪社 元和志寰宇記通志等書俱作洪杜下同

洋水 分彭水於巴江西置盈隆縣 元和志寰宇記縣下有貞觀十年移於今理 改爲盈用元和志寰宇記用作川

辰州

九年分大鄉置大鄉五縣 按上云四年下云五年此不應言九年九字或其字之誤又分大鄉置大鄉五縣聞本置下有陽字亦疑有脫誤

沅陵 漢辰陽縣屬武陵郡本秦黔中郡縣也 元和志寰宇記
俱云本漢舊縣屬武陵郡

澁浦 元和志寰宇記皆作敘通典新志作澁 漢義陵縣地屬
武陵縣寰宇記亦作義陵元和志作義寧下縣字寰宇記作郡
是

麻陽 武德三年分沅陵辰溪二縣置垂拱四年分置龍門縣尋
廢 新志同元和志寰宇記俱云陳天嘉三年於麻陽麻口置
戍垂拱四年置龍門縣尋改爲麻陽因戍得名

辰溪 隋分置辰溪縣 元和志分置作改爲

錦州

常豐 天寶元年改爲常豐 新志同元和志作二年

洛浦 天授二年分長州之大鄉置 按長字誤新志作辰州是

元和志作先天二年 四年改屬錦州新志四年上有長安二字

施州

義寧二年置施州 隋志後周置施州及清江郡元和志周武帝建德三年於此置施州隋改爲清江縣義寧二年復置郡 按此志疑有脫誤 天寶元年改爲清化郡新志同通典作清江郡

清江 漢巫縣南郡 此志疑有脫誤通典云秦屬南郡元和志作本漢南巫縣地

巫州

巫州 元和志新志作敘州寰宇記作沅州通典亦作巫州 其年置夜郎渭溪思微三縣寰宇記其年置夜郎浣溪

舊唐志爲郎溪此六

字乃校者之誤謂此記作浣舊唐志作郎二書不同
今本寰宇記誤作正文非也爲校正之郎亦當作朗思徵三縣

按舊志作渭寰宇記作浣並誤當作朗下朗溪縣注貞觀八年置則作朗溪爲是 天授二年改爲沅州寰宇記天授三年

風俗使右肅政臺御史席元明奏巫山不在州界請爲沅州

按作三年誤 分夜郎渭溪縣寰宇記郎下有置字是 乾元

元年復爲巫州寰宇記巫作沅元和志作大歷五年以境接敘

浦改爲敘州新志亦云大歷五年更名 在京師南三千一百

五十八里至東都三千八百三十三里通鑑二百九左遷沅州刺

史注引舊志沅州京師南四千一百九十七里至東都三千九

百里此在開元未改巫州以前故云沅州也

龍柯 按柯字誤元和志通典新志俱作龍標

夷州

以綏養隸智州 寰宇記無以字 又置雞翁縣寰宇記作復分
置雞翁縣 又以義州之綏陽黔州之高富來屬寰宇記富下
有二縣二字 又自都上移於今所寰宇記此句下有領綏陽
都上高富雞翁四縣貞觀七年又以廢牢州義泉洋川二縣來
屬 按舊志義泉洋川下俱云貞觀十七年屬夷州此七字上
脫十字

綏陽 隋朝招慰置綏陽縣 元和志隋大業十二年巴郡丞梁
粲招慰所置寰宇記作大業四年 貞觀十一年改屬夷州寰
宇記作十二年誤

義泉 隋舊於縣置牢州 元和志作武德中於縣置牢州舊下
當有武德中三字

洋川 貞觀十七年屬夷州 寰宇記作開元二十五年誤與其

總序不合

播州

貞觀九年分置郎州 寰宇記新志同元和志作貞觀元年置麟
州誤 十一年省郎州并六縣寰宇記脫下三字 十一年又
於其地置播州寰宇記脫此句元和志作十三年是新志同
十四年改恭水六縣名寰宇記改恭水爲羅泉縣高山爲含月
縣貢山爲湖江縣柯盈爲帶水縣邪施爲羅蒙縣釋鷲爲胡刀
縣十六年又改羅蒙爲遵義縣 以夷州之芙蓉瑯川來屬寰
宇記瑯作瑯下同川字下有二縣 先天二年罷都督寰宇記
都督下有以黔州爲都督府 在京師南四千四百五十里通
鑑二百六 楚客貶播州司馬注舊志播州去京師四千五百三十
里

遵義 貞觀元年置恭水縣 寰宇記作九年是

芙蓉 改爲夷州 寰宇記爲作屬是

思州

武德四年置務川 元和志同寰宇記新志作元年 按下務川

注亦作元年 其年省思義明陽丹田三縣寰宇記田作川是

又以多田城陽二縣寰宇記陽作樂 十一年又省伏遠縣

寰宇記縣下有但領務川思王〔寰〕夷三縣開元二十五年以〔寰〕

夷縣屬夷州

務川 漢西陽縣 按西當作西元和志寰宇記俱作本漢西陽

縣地 請置務川寰宇記無務字川作州 按務川乃隋所置

縣作州是 以思印水爲名寰宇記印作印是

思王 改屬務川 寰宇記川作州是

寧夷 隋置武德四年屬夷州貞觀元年屬思州 按元和志云
武德四年屬夷州永徽後廢寔字記云舊屬思州唐開元二十
五年屬夷州二書及新志俱列**寧夷**於夷州此志云舊領縣三
不當有**寧夷**此爲夷州下脫簡又屬思州下當有改屬夷州此
亦失載通典作領縣四亦誤通典據天寶冊籍亦不當有**寧夷**
也

思印 元和志寔字記新志俱作思印通典亦作思印誤
費州

天寶元年復爲涪川郡乾元元年復爲費州 寔字記作天寶元
年復爲費州誤

涪川 信州總管龍門公裕 寔字記裕下有王述二字是 武
德四年置務川 按思州序云置務州川當作州

多田 武德四年務州刺史奏置 元和志寰宇記俱作三年新志亦云四年置

扶陽 庸州刺史奏置以扶陽水爲名 寰宇記作庸州刺史奏置於扶水之北因以爲名 按扶乃水名水北曰陽此志陽字疑衍

南州

武德二年置 寰宇記武德二年割渝州之東界地置州元和志亦云武德二年割渝州置 改爲夔州聞本夔誤楚 又置當山嵐山歸德汶溪四縣寰宇記汶誤作汝下汶溪不誤 天寶元年改爲南州郡沈本州作川寰宇記正作南川郡

濠州

貞觀十六年 新志同元和志寰宇記俱作十七年下同

珍州

貞觀十七年 元和志作十六年通典作七年誤

夜郎 以縣界有隆珍山 寰宇記隆作降

樂源 通典寰宇記同元和志作洛源

梓州領縣二 寰宇記作領縣三建安寧化新興並武德中同州

置

充州領縣八 寰宇記作領縣四梓潼底水思玉思渝

應州領縣五 寰宇記未見

陵州領縣四 寰宇記作領縣五武侯望江應江始安東南皆貞

觀中置

牢州領縣七 寰宇記未見 按此志夷州義泉注貞觀十七年

廢牢州此牢字恐誤

隴右道

秦州都督府

蘭宕扶等十三州 寰宇記作十二州是 分清水置邽州寰宇
記邽州作下邽 又以隴成來屬寰宇記作以隴州來屬 督
秦成渭武四州寰宇記成作城誤

上邽 後漢分獠道 寰宇記獠作獠錢氏大昕云獠道當作獠
道 州前有湘水四時增減 按有脫誤寰宇記天水縣下引
秦川記郡前有河水冬夏無增減此志湘當作河四時下當有
無字

成紀 移治敬親川 寰宇記有顯親故城而總序亦作敬親川
伏羌 後魏改爲當亭縣隋復爲冀縣 元和志後魏以冀爲當
亭周爲黃瓜大業二年改黃瓜爲黃城縣 按隋志有冀城縣

云後周曰冀城縣廢入黃瓜縣大業初改曰冀城此志冀下脫城字元和志黃城當作冀城

隴城 隋加城字 寰宇記魏黃初中改爲隴城隋志隴城舊曰略陽開皇二年郡廢縣改曰河陽六年改曰龍城龍巖作隴此志云隋加城字疑誤

成州

上祿 晉時互酋 按互當作氏 梁置南秦州又改爲成州隋志後魏曰南秦州西魏曰成州寰宇記同此志梁當作魏 隋以上祿爲倉泉縣 按隋志云後魏置倉泉縣寰宇記作蒼云隋初爲蒼泉縣

同谷 漢下辨步包反

辨聞本作辨通典寰宇記作辯通鑑作辨

通鑑九十屯下辨注劉昫曰辨步莧翻此志作步包非聞本步

上有辨音二字

渭州

四月鄯州都督郭英乂 寰字記無四月鄯州上有天寶元年

隴西

漢源

桓音

道地

元和志同寰字記作源音陌

屬天水郡

後漢分武陽置鄯縣天授二年改爲武陽縣神龍元年復爲鄯

縣新志鄯縣下云天授二年曰武陽神龍元年復爲鄯縣 按

元和志隴西縣後漢末於此置南安郡開皇元年源道移武陽

縣名於郡理

句疑有誤

屬渭州八年改武陽爲隴西寰字記隴西縣

後漢末於此置南安郡屬渭州隋開皇十八年改爲武陽尋爲

隴西縣隋志隴西舊城內陶

疑作

置南安郡開皇初鄯廢改爲

武陽十年改名焉通典隴西周置南安郡隋廢郡改爲縣諸書

所載改置武陽年號雖不盡一然總以隴西爲隋所改非天授

二年始改也舊志屬天水郡下有脫文而後漢分武陽置鄯縣
乃鄯縣之文總序旣云舊領縣四而所列止三縣蓋脫去鄯一
縣誤并兩縣爲一縣耳新志鄯上有隴西一縣隋志通典作障
元和志作彰寰宇記作鄯云本漢立隴西郡自永嘉南徙之後
縣遂廢焉後魏景明三年分武陽復置鄯縣此志後漢當作魏
魏上當增鄯字上下各空一格

鄯州

貞觀中置都督府 寰宇記中在置字下 今河州收管寰宇記
作入河州管

湟水 處月氏 寰宇記氏作氏 南有涼禿髮烏孤始都此寰
宇記無有字

龍支 漢尤吾縣 錢氏大昕云尤當作允 按元和志寰宇記

俱作允通鑑

百六

祐至允吾注引劉昫曰本漢允吾縣

後漢

爲龍支縣錢氏云續漢志未見改允吾爲龍支之文

按元和

志無此句通典寰宇記與舊志同通鑑注引劉昫曰後漢改曰

龍支

後魏改爲金城縣又改爲龍支通鑑注同爲作曰寰宇

記云後魏武帝改爲金城縣至廢帝二年又改爲龍支縣

蘭州

督蘭阿鄯廓四州

寰宇記阿作河

十二年又督涼州今督蘭

鄯儒淳六州寰宇記無下督字今作後

按二書俱有脫誤

五泉

漢金城縣屬金城郡西羌所處

聞本西作开通鑑

六十一

合擊罕开在鮮水上者注引劉昫曰漢金城郡之金城縣罕羌

所處也 乞伏乾歸都此稱涼通鑑注作乞伏乾歸都於此

臨州

狄道 晉改爲武始縣隋改爲狄道屬蘭州天寶三年復置 通鑑二百一十一又置隴右節度大使注云晉置武始郡隋廢郡復爲狄道縣屬蘭州天寶三載始分置臨州新舊志皆然此約舉二志之文非二志之原文也

河州

省米州置米州縣 寰宇記下州字作川是 舊領縣三 按三當作四據總序謂枹罕大夏米川安鄉也天寶始領三縣
大夏 取西大夏水爲名 寰宇記取下有縣字
鳳林 貞觀七年廢縣置烏州 寰宇記七作十 取關名也
按寰宇記鳳林關在黃河側

武州

將利 秦漢白馬之地漢置武都郡 寰宇記本漢氏羌地漢置

武都郡

覆津 元和志寰宇記新志俱作福津 萬郡故城置覆津縣寰宇記故字在萬字上 隋廢武階郡縣屬武都郡寰宇記武都郡下有自唐天福元年再置縣改爲福字 按元和志作福津蓋後人改之也隋志作覆津此志當作福津

盤堤 移盤堤縣於郡置武州盤堤山爲名 寰宇記作移盤堤縣於故城以置縣因山名也通鑑九十屯下辨注引劉昫曰河池唐爲武州盤堤縣蓋節取其文引之

洮州

舊領縣二 天寶 按舊領縣二謂臨潭美相也今所列止臨潭一縣下臨潭注云天寶中廢美相併入此志天寶下當有領縣一三字

臨潭 本吐谷渾之鎮 寰宇記谷上脫吐字 改爲美相縣寰
宇記同通鑑百六十六以其地爲洮州注引劉昫唐志作置美相縣
洮州理於此寰宇記作移洮州理於此 置臨潭縣寰宇記
置上有五年 廢旭州來屬寰宇記州下有縣字 其年移理
洮陽城寰宇記作其年復移還洮陽城 仍於舊洪和城通鑑
注引劉昫唐志同寰宇記舊字在於字上誤

岷州

管岷宕洮疊旭五州 寰宇記宕作巖 又督文武扶五州寰宇
記五作三 天寶縣三 按縣上當有領字

溢樂 崆峒山縣西二十里 元和志縣上有在字 後魏置岷
州元和志寰宇記作後魏置同和郡 按隋志西魏置岷州及
同和郡是州郡並置此志與元和志寰宇記各舉其一非誤也

隋復改臨洮元和志寰宇記改下有爲字

枯川 元和志作祐寰宇記作祐 按通典新志俱作祐

和政 保定元年置和政縣 元和志元年下有罷郡二字

廓州

廣威 段穎破羌斬澆河大師 通典穎作頴師作帥是 此地

卽南界也寰宇記卽下有西平二字 改爲化隆縣通鑑百十

單騎奔澆河注引劉昫曰置化隆縣又百十 卽川護軍孟愷諫

曰注引劉昫曰廓州化隆縣東古卽川地今本脫 縣界有拔

延山 按寰宇記拔延山大業五年煬帝經此山校獵改名搏

獸山元和志作扶延山云在縣東北十里多麋鹿

達化 在縣西一百二十里 寰宇記同通鑑百十 卽川護軍注

引作在縣西北二十里

米川 十年州廢縣屬鄆州 按此有脫誤寰宇記十年罷米州以縣屬河州今又屬鄆州新志亦云十年州廢隸河州永徽六年來屬錢氏大昕云此志蓋有脫文是也元和志作貞觀十年於本縣東一百二十里黃河南岸置米川縣屬河州亦誤

疊州

隋臨洮郡之合州縣 州當作川 又置安伏和同二縣寰宇記伏作化是和下脫同字誤 尋省疊川樂川縣寰宇記作尋廢貞觀二年省疊川樂川縣 十三年置都督寰宇記督下有府字 督疊岷洮宕津序壹枯嶂王蓋立橋等州寰宇記宕作巖枯作柘王作玉 永徽元年罷都督府寰宇記府下有上元元年吐蕃入寇密丹嶺二縣殺掠並盡於是廢二縣神龍元年廢芳州爲常芳縣來屬

合川 取郡山重疊之義 寰宇記作取山川重疊爲義沈本郡作羣

常芬 領常芳恒香丹領三縣 新志下領字作嶺是寰宇記總序亦作丹嶺

宕州

良恭 後周置陽宕縣 隋志云後周置初曰陽宕元和志作本周之陽谷誤

河西道

涼州都督府

領姑臧昌松番禾三縣 寰宇記禾作和 又置神鳥縣寰宇記鳥作鳥下同 爲大都督府寰宇記爲上有升字是沈本作改非 神龍二年置嘉麟縣寰宇記無此句而有景雲二年賀拔

嗣除涼州都督充西河節度使自此上郡有節度之號

姑臧 匈奴本名蓋藏城 元和志寰宇記藏俱作臧 界有豬

野澤通典同寰宇記云豬野澤在今縣北卽書所謂至於豬野

神鳥 元和志寰宇記通典新志俱作神鳥下神鳥同 後魏廢

總章元年復於漢武威城置武威縣神龍元年改爲神鳥元和

志張天錫改置武興縣武德三年又於城內置神鳥縣貞觀元

年廢總章元年又置也寰宇記後魏平涼中改神鳥縣周證聖

元年改爲武威縣取廢武威之額以名之唐神龍元年復舊爲

神鳥縣新志神鳥武德三年置貞觀元年省總章元年復置曰

武威神龍元年復故名 按此志總序亦云武德三年置神鳥

縣

天寶 寰宇記作番和 漢番禾縣元和志漢上有本字寰宇記

禾作和 改爲天寶縣寰宇記此句下有至長慶中仍舊改爲番和縣

吐渾部落 新志羈縻州未見 興昔部落新志有興昔部督府
閭門府新志府作州 臯蘭府新志府作州 盧山府新志
有盧山都督府 金水州 蹕林州 賀蘭州 新志此三州及盧山
府皆回紇部

甘州

張掖 屬漢武開置張掖郡 沈本無屬字 後魏置張掖軍孝
文改爲郡及縣州置西涼州元和志後魏太武平涼以爲張掖
軍廢帝二年改軍置甘州寰宇記後魏太武帝平涼以爲張掖
軍至太武帝十一年改軍爲郡大統十二年分涼州以居張掖
之地疑有脫誤爲西涼州

刪丹 後漢分張掖置西海郡 寰宇記脫去海字云後漢興平二年分置西郡

肅州

貞觀元年罷都督府貞觀中廢玉門縣 按貞觀中三字疑誤上已有貞觀字不應復衍也寰宇記無此三字府下空一格疑是尋字新志云玉門貞觀元年省

酒泉 漢武時昆邪來降乃置酒泉郡 寰宇記昆邪下有以衆二字置下有武威二字

福祿 漢舊縣 寰宇記云漢福祿縣屬酒泉郡錢氏大昕云漢時本名祿福其改爲福祿當在晉以後而史無明文 今縣漢樂綰縣地錢氏云綰當作涇 按隋志元和志寰宇記新志俱作涇

瓜州

瓜州下督督府 王氏鳴盛云上督字當作都 武德五年置瓜州寰宇記同 按沙州云武德二年置瓜州五年改爲西沙州元和志隋瓜州卽今沙州也大業三年改瓜州爲敦煌郡武德五年改瓜州別於晉昌置瓜州蓋沙州所置之瓜州在武德二年此晉昌所置之瓜州在武德五年也 仍立總管府督西沙肅三州沈本西沙上有瓜字是貞觀十四年始置西州不得置於武德中西沙二字連文貞觀七年始去西字但稱沙州寰宇記亦脫瓜字誤 八年罷都督寰宇記督下有府字

晉昌 漢寘安縣屬燉煌郡寘水名 錢氏大昕云兩漢志燉煌郡有寘安縣應劭云寘水出北入其澤此作寘誤 按隋志元和志通志寰宇記皆作寘安下同寘水亦作寘水通鑑注引劉

昉唐志已作寘安則其誤已久通鑑百五十九晉昌民呂興注引劉

昉唐志瓜州晉昌縣漢燉煌郡之寘安縣無冥水名三字置

高昌郡及寘安縣通鑑注引此志置上有舊字是改寘安長

樂通鑑注引安下有爲字

常樂 魏分廣至置宜水縣 聞本作宜禾是元和志寘字記俱

作禾

伊州

貞觀四年歸化置西伊州六年去西字天寶元年爲伊吾郡 寘

字記爲上有改字而脫去歸化至天寶元年十五字誤

伊吾 以鄭吉爲都護 寘字記爲下有南北道三字 在玉門

關寘字記作在烏壘城 天水在州北二十里王氏鳴盛云水

當作山 按元和志作天山在州北百二十里寘字記同州作

縣 胡人呼析羅漫山寰宇記同元和志析作時誤西州下析
又作折

納職 於鄯善胡所築之城置納職縣 元和志云胡謂鄯善爲
納職因名縣焉

沙州

沙州 武德二年置瓜州 元和志同寰宇記作三年誤

燉煌 武德三年置瓜州 三亦當作二 取州名焉寰宇記無
此句沈本州在取字上

壽昌 縣南有龍勒山 寰宇記南上有東字 後魏改爲壽昌
縣 按寰宇記云後魏正光三年改爲壽昌縣取縣界壽昌澤
爲名 陽關在縣西六里寰宇記陽關在縣西六十里以居玉
門關南故曰陽關

西州都督府

貞觀十三年平高昌 通典元和志寰宇記皆作十四年置西州都督府寰宇記作以其地置西州兼升爲都護府 顯慶三年改爲都督府元和志同寰宇記無此二句而有開元中改爲金山都護府通典亦有後改爲金山都護之文蓋兩書各脫二句高昌 通典寰宇記同元和志作前庭云貞觀十四年置高昌縣天寶元年改爲前庭新志亦作前庭云寶應元年更名 又改爲金山都督府督疑作護

柳中 一名神連山 寰宇記神作祁是

蒲昌 於始昌故城 寰宇記於下有漢字是 縣東南有蒲類海寰宇記無南字

北庭都護府

北庭都護府 新志庭下有大字 屯兵於浮圖城通典寰宇記
於下有可汗字 所統攝突騎施堅昆斬元和志斬下有啜字
是 在京師西北五千七百里 按此志脫至東都里數
通典元和志寰宇記皆有里數而各不同

金滿 通典新志同元和志寰宇記作後庭元和志云貞觀十四
年於州東置蒲昌縣長安二年改爲金蒲當作滿 縣寶應元年改

爲後庭云 流沙州北前後烏孫部舊地方五千里寰宇記作
在流沙之西北前漢爲烏孫舊壤地方五千里 後漢車師後
王庭寰宇記後漢時卽爲車師後王庭之地 胡故庭有五城
俗號五城之地寰宇記自此歷五代爲突厥及雜胡居之以有
武義生城俗謂之五城之地 以前故及突厥常居之 按故
當作胡

天山軍 開元中置 元和志作開元二年置 伊州城內元和志作西州 在都護府南五里元和志作五百里 伊吾軍開元中置元和志作景龍四年置 在伊州西北五百里 甘露州聞本州作川甘字上里字下連寫不空格是此謂伊吾軍在伊州西北五百里之甘露川非另一州也元和志不空 已上十六番州新戎胡部落寰宇記新作雜是

安西大都護府

仍移安西都護府於高昌故地 寰宇記高昌作昌壁昌上疑脫高字其謂之高昌壁者寰宇記西州總序云西州本漢車師國之高昌壁 舊安西府寰宇記舊上有其字是 乃於于闐以西波斯以東寰宇記無以西二字 皆置都督寰宇記督下有府字 貞元三年竟陷吐蕃元和志作貞觀七年誤

北庭都護府

本龜茲國顯慶中自西川移府治於此、按北庭

都護府已見前此乃衍文通典安西都護府本龜茲國也大唐

顯慶中置原注貞觀中初置安西都護府於西州顯慶中移於

龜茲城與此文約同然此志已詳見總序此亦疑衍東至焉

耆鎮守八百里

至

北至突騎施界雁沙川

寰宇記同通典作鷹婆川

一千里

按此所載四至與通典寰宇記安西都護所列四至同非北

庭之四至也此當接上文貞元三年竟陷吐蕃下又按元和志

寰宇記通典俱有至西京東都里數此亦脫失安西都護府

鎮兵

至

兼鎮西節度使

按前北庭總序北庭節度使管鎮兵

二萬人馬五千匹又管瀚海天山伊吾三軍鎮兵萬餘人馬五

千匹在上元元年陷吐蕃上以彼例此亦當在貞元三年竟陷

吐蕃上

安西都護所統四鎮

龜茲都督府 置於龜茲國城 寰宇記國作故

毗沙都督府 寰宇記作毗沙下同 上元元年寰宇記作三年

焉耆都督府 置都督府處其部落無蕃州 寰宇記處下有之

字疑誤

西域十六都督州府

乃分置十六都督府州八十 寰宇記督下有統字州在府上

月氏都督府 所治遏換城 寰宇記遏作撥 以其王葉護之

寰宇記護下有領字 於其部內分置二十四州都督統之

按寰宇記所列有二十五州此志四字當作五新志所列與寰

宇記同而作二十六州亦誤自此至寫鳳都督府所置州數寰

宇記新志備列其名舊志脫

太汗都督府

寰宇記作大汗是下同 以其大汗領之寰宇記

大汗上有王字

按王字是大汗二字疑衍 仍分其部置十

五州大汗領之寰宇記無下四字是

條枝都督府

寰宇記新志俱作條支 分置八州寰宇記新志

俱作九州

大馬都督府

寰宇記同新志大作天 於解蘇國所治數瞞城

新志同寰宇記解蘇作鮮蘇瞞作滿 置三州寰宇記僅列二

州新志亦作二

高附都督府

所治妖沙城 寰宇記新志妖作沃 置三州寰

宇記新志作二州

修鮮都督府

置十一州新志作十州寰宇記所列亦十州而正

文作十一州亦誤

寫鳳都督府 於失苑延國所治伏戾城置 寰宇記失苑延作

帆延新志作蚘延伏戾俱作羅爛

悅般都督府 置雙靡州 寰宇記新志俱作靡

奇沙州 寰宇記州作國誤下有都督新志州下有都督府 於

護特健國寰宇記新志作護時健 置沛薄大秦二州寰宇記

新志薄作隸

和默州 寰宇記新志俱作姑墨州新志自此至王庭州州下皆

有都督府三字舊志寰宇記並脫 所治怛城寰宇記新志怛

下有沒字

掖撒州 寰宇記新志作旅獒州 所治摩竭城寰宇記新志竭

作喝

崑墟州 於護密多國所治抵寶那城 寰宇記新志護密多俱

舊唐書校勘記卷二十二
作多勒建抵作低

至振州 寰宇記新志振作拔 所治措瑟城置寰宇記新志措
作褚

烏飛州 寰宇記新志烏作鳥 所治摸廷城置寰宇記廷作達
新志作達

波斯都督府 所治陵城置 寰宇記新志陵上俱有疾字

舊唐書校勘記卷二十二